

tongkol	Untuk buah bertongkol seperti jagung.
ulas	Untuk isi buah seperti durian, nangka, dan cempedak.
untai	Sesuatu yang berangkai seperti kalung, rantai, manik, pantun, dan sajak.
urat	Benda yang panjang dan halus tetapi tidak bergulung seperti benang, rotan, dan dawai.
utas	Benda yang berangkai seperti tali dan rantai.

Salah	Betul
semua orang pelajar segala buah kereta setiap orang pelajar para orang pelabur ... mempunyai sebuah cita-cita	semua pelajar / semua orang segala buah / segala kereta setiap orang / setiap pelajar para pelabur ... mempunyai cita-cita



Latihan Pengukuhan

A. Isi tempat kosong dengan jawapan yang paling sesuai.

- Emak membeli lima _____ anggur dari pasar raya itu sebentar tadi.
- Di hujung kampung kami terdapat _____ busut yang agak besar.
- Sebanyak tujuh _____ rumah kedai akan dibina di kawasan lapang itu.
- Beberapa _____ bawang putih dimasukkan ke dalam kualiti lalu ditumis.
- _____ gajah telah memusnahkan kebun pisang milik ayah saya.
- Tukang kasut itu menggunakan _____ benang untuk menjahit tapak kasut itu.
- Kakak menggunakan lima _____ kuning telur untuk membuat kek itu.
- Beliau mengakhiri ucapannya dengan _____ pantun sebagai nasihat kepada kami.
- Doktor telah menampal _____ gigi saya yang sudah berlubang tetapi masih kukuh.
- Saya hanya makan beberapa _____ durian kerana sudah kenyang.